

古本董解元西廂記

古本董解元西廂記卷第六

仙呂調戀香衾一夕幽歡信無價紅娘萬驚千怕且  
恐夫人暗中知察暫不多時雲雨罷紅娘催定如花  
把天賦恩愛變成瀟灑。君瑞鶯鶯越俚的緊紅娘  
道起來麼娘呵戴了冠兒把玉簪斜插欲別張生臨  
去也俚人懶堯羅襪我而今且去明夜來呵

尾懶說設的把金蓮撒行不到書窗直下堯地回來  
又說些兒話

自是朝隱而出暮隱而入幾半年矣夫人見鶯容  
豔倍常精神增媚甚起疑心夫人自思必是張生

私成  
暗約

雙調倬倬盛相國夫人自甯約是則是這冤家沒解  
剝陡恁地精神偏出跳轉添嬌渾不似舊時了舊日  
做下的衣服一件小眼慢眉低胸乳高管有兀誰厮  
舫着我圍着這妮子做破大手脚

驚以情繫心總上不已  
夫人察之是夕私往

大石誦紅羅襖君瑞與鶯上來往半年過夜夜偷期  
不相度沒些兒斟量沒些兒惧憚做得過火鶯鶯色  
事迷心是夜又離香閣方信樂極悲來怎知覺惹場  
天來大禍。那積世的老婆婆其時暗猜破高點着  
銀缸堂上坐問侍婢以來兢兢戰戰一地裡蕪麼問

驚匕更夜如何背遊私地有誰存活諸侍婢莫敢形  
言約多時有口渾如鎖

尾相國夫人高聲唱賤人每怎敢瞞我喚取紅娘來

問則箇

一奴女奔告驚匕急歸見夫人坐堂上驚匕戰慄  
夫人問紅娘曰汝與驚匕更夜何適紅娘拜曰不敢  
隱匿張生卒病與驚匕視疾夫人曰何不告我答  
曰夫人已睡倉卒不救覺夫人寢夫人怒曰猶敢  
妄對必  
不捨汝

中呂調牧羊闕夫人堂上高聲問為何私啓閨門你  
試尋思早晚時分迤逗得驚匕去推探張生病恁般  
開言語教人怎地信。思量也是天教敗笑來必有

私情甚不肖，以當抵死諱定，只管厮瞞昧，只管厮暗  
啐，好教我禁不過這不良的下賤人。

尾：思量又不當口兒穩，如還抵死的著言支對，教你  
手托着東牆，我直打到肯。

紅娘徐而言曰：夫人息怒，乞申一言。

仙呂調六么令：夫人息怒，聽妾話踪由，不須堂上高  
聲揮喝，罵無休。君瑞又多才多藝，咱姐儿又風流，彼  
此無夫無婦，這時分相見，夫人何必苦追求。一對  
兒佳人才子，年紀又敵頭，經今半載，雙上每夜書幃，  
裏宿已恁地，出乖弄醜，潑水再難收。夫人休出口怕。

旁人知道到頭贏得自家羞

尾一雙兒心意兩相投夫人白甚閑克敏休克敏常

言道女大不中留

當日亂軍屯寺夫人小娘子皆欲就死張生與先  
相無舊非慕鶯之顏色欲謀親禮豈有區區上陳退  
軍之策使夫人小娘子得有今日事定之後夫人  
以兄妹之繼非生本心以此成疾幾至不起鶯不  
守義而忘恩每侍湯藥願兄安慰夫人聰明者更  
夜終女潛見解男何必研問自非禮也夫人罪妾  
夫人安得無咎失治家之道外不能報生之恩內  
不能蔽鶯之醜取笑於親戚取謗於他人顧夫人  
裁之夫人曰奈何紅娘曰生本名家聲動天下論  
才則屢被魏科檢策則立推克醜論智則坐迷大  
將論恩則治我全家君子之道盡於是矣若因小  
過俾結良姻通勇女之真情蔽閨門之餘醜治家  
盡美矣

般涉調麻婆子君瑞又好門地姐姐又好祖宗君瑞是尚書的子姐姐是相國的女姐姐為人是稔色張生做事忒通疎姐姐有三從德張生讀萬卷書。姐姐稍親文墨張生博通今古姐姐不枉做媳婦張生不枉做丈夫姐姐溫柔勝文君張生才調過相如姐姐是傾城色張生是冠世儒

尾著君瑞的才著姐姐的福咱姐姐消得個夫人做張君瑞異日須乘駟馬車

夫人曰賢哉紅娘之論然如此未知鶯之心下何似恐女子之性因循失德實無本心今紅娘召之我欲觀問所以驚亡羞腕而出不敢正立

般涉調沁園春是夜鶯上  
半餉無言兩眉暗鎖多時  
方喚得鶯上至羞低着粉  
頸愁歛着雙蛾桃臉兒通  
紅櫻唇兒青紫玉筍纖上  
不住搓不忍見盈盈地粉  
淚淹損鈿窩。六十餘歲的  
婆上道千萬擔饒我女  
呵子母腸肚終湏熬著言  
方便撫恤求和事到而今  
已裝不卸潑水難收怎奈  
何都閑事這一場出醜着  
甚連摩

尾便不辱你爺便不羞見我  
我還待送斷你子箇却  
又子母情腸意不過

夫人曰事已如此未審汝本意何倡願則以汝妻  
生不願則從今斷絕鶯上待道不願來是言與心



蓮待道願來後對娘怎出  
口卒無詞對夫人又問

雙調查葉黃我女兒安心省可煩惱這事體休聲揚  
着人看不好怕你箇冤家是厮落你好好當咱好  
好的商量我曾不錯有的言語對面評度凡百如何  
老婆斟酌女孩兒家見問着半餉無言欲語還羞把  
不定心跳

尾可憎的媚臉兒通紅了對夫人不敢久明道猛吐  
了舌尖兒背背的笑

願即不欲久明道盡在回頭一笑中拂且令  
紅娘召生小飲生惧昨夜之敗辭之以疾

仙呂調相思會君瑞懷羞慘心只自思念這些醜事

不道怎火遮掩紅娘莫恁把人乾厮啗我到那裡見  
夫人少有甚臉。尋思罪過蓋為自家險。笑來今日  
請我赴席後爭敢紅娘見道道君瑞真箇欠我道你  
伴小心粧大膽

紅娘曰但可赴約別有佳話生驚曰如何紅娘以  
實告生生謝曰誠如是何以報德曰妾不敢望報  
夫人與鄭恒親雖然昨夜見許未定取信先生赴  
約可以獻物為定比及驚驚終劑以來庶無反覆  
以斷前約生曰善然自春寫  
此迄今囊橐已空矣奈何

仙呂調喜新春草索兒上都無一二百盤纏一領白  
衫又不中穿夜擁孤衾三幅布畫歌單枕是一枚甄  
只此是家緣。要酒後厨前自汲新泉要樂當筵自

理冰絃要綃有壁畫三兩幅要詩後却奉得百來篇  
只不得道着錢

紅娘曰先生平昔與法聰有舊法聰新當庫司先生歸而貸之何求不得生聞言而頓省遂往見法聰

大石調驀山溪張生是日叉手前來告有事敢相煩  
問庫師兄不錯相公的嬌女許我作新郎這事體你  
尋思定物終須要。小生客寄沒個人挨靠剛準備  
些兒其外多也不少不合借索總賴弟兄情如借得  
感深恩是必休推托

尾法聰聞言先陪笑道咱弟兄面情非薄子除了我

耳朵兒愛的道

生曰如有餘資煩貸幾素甚幸聰曰常住錢不敢私貸貧僧積下幾文起坐盡數分付足下勿以寡見阻取足五十索聰曰幾日見還生指期拜納

雙調菱荷香忒孤窮要一文錢物也擘劃不動法聰不忍借與五千貫青銅幾文起坐被你箇措大倒得囊空三五十家攬來比及償到是幾箇齋供○君瑞聞言道多謝起來叉手著言倍奉若非足下定應難見花容咱家命裡笑來歲運享通多應魚化爲龍恁時節奉還一年請俸

尾法聰笑道休打關不敢問利息輕重這本錢苟年

得用

生以錢易金赴夫人約坐不安席酒行夫人起曰  
昨不幸相公沒携稚幼器寺群賊方興非先生矜  
憫母子幾為魚肉矣無以報德雖先相以鶯許鄭  
恒而未受定約今欲以鶯妻君聊以報可乎

大石調玉翼蟬夫人道張解元美酒斟來滿道不幸

當時羣賊困普救全家莫能逃難賴先生便畫妙策

以此登時免今日以鶯鶯酬賢救命恩問足下願那

不願。夫人曰如先生許則滿飲一盞張生聞語急把

頭來暗點小生目下身居貧賤粗無德行情性荒昧

學藝淺相公的嬌女有何不戀何必夫人苦勸喫他

一盞忽地推了心頭一座山

生取金以奉夫人曰貧生旅食姑此為禮無以微  
見却夫人不受曰何必乃耳紅娘曰物雖薄禮不  
可廢也夫人受金生拜堂下夫人曰然驚未服闋  
未可成禮生曰今蒙文調將赴省闈姑待來年不  
為晚矣夫人曰願郎遠業功名為念此寺非可久  
留生曰倒指試期幾一月矣三兩日定行夫人以  
巨能為壽生飲訖令紅娘送生婦生謂紅娘曰不  
意有今日答曰適驚聞夫人語親忻喜之容見於  
面聞即赴文調愁然之容動於色生曰煩為我言  
之功名世所甚重背而棄之賤丈夫也我當發策  
决科策名仕版謝原憲之圭竇衣買臣之錦衣待  
此取鶯櫃子素願無借一時孤悶有妨萬里前程  
紅娘以此報鶯亦不見答自是不復見矣後數日  
生行夫人暨鶯送於道法聰與焉經于蒲西十里  
小亭置酒。悲歡離合一  
尊酒南北東西十里程

大石調 王翼蟬蟾宮客赴帝闕相送臨郊野恰俺與  
鶯鶯鶯鶯暫相守被功名使人離缺好綠業空悵快

頻嗟嘆不忍輕離別。早是恁悽悽涼涼受煩惱。那堪  
值暮秋時節。○雨兒乍歇。向晚風如漂冽。那聞得衰  
柳蟬鳴。悽切未知今日別。後何時重見也。衫袖上盈  
盈搵淚。不絕幽恨。眉峰暗結。好難割捨。縱有千種風  
情。何處說。

尾。莫道男兒心如鐵。君不見滿川紅葉盡。是離人眼  
中血。

越調上平西。纏令景蕭蕭。風淅淅。雨霏霏。對此景爭  
忍。不離僕人催促。兩停風息日。平西斷腸。何處唱陽  
關。執手臨歧。○蟬聲切。蛩聲細。角聲韻。鴈聲悲。望去

程依約天涯且休上馬若無多淚與君垂此際情緒  
你爭知更說甚湘妃

鬪鶴鷄囑付情郎若到帝里帝里酒醞花穠萬斛景  
媚休取次共別人便學連理少飲酒省遊戲記取奴  
言語必登高第。專聽着伊家好消好息專等着伊  
家寶冠霞帔妾守空閨把門兒緊閉不拈絲管罷了  
梳洗你咱是必把音書頻寄

雪裡梅莫煩惱莫煩惱放心地放心地是必是必休  
恁做病做氣。俺也不似別的你情性俺都識臨去  
也臨去也且休去聽俺勸伊



錯煞我郎休恠強牽衣問你西行幾日歸著路裡小  
心呵且須在意省可裏晚眠早起冷茶飯莫喫好將  
息我專倚着門兒專望你

生與鶯難別夫人勸曰  
送君千里終有一別

仙呂調戀香衾萋萋征塵動行陌盃拌取次安排三  
口兒連法聰外更無別客魚水似夫妻正美湍被功  
名等閑離拆然終須相見奈時下難捱。君瑞啼痕  
污了衫袖鶯鶯粉淚盈腮一箇止不定長吁一箇頓  
不開眉黛君瑞道閨房裡保重鶯鶯道路途上寧耐  
兩邊的心緒一樣的愁懷

尾僕人催促怕晚了天色柳堤兒上把瘦馬兒連忙  
解夫人好毒害道孩兒每回取箇坐車兒來

生辭夫人及聰皆曰好  
行夫人登車生與鶯別

大石調驀山溪離筵已散再留戀應無計煩惱的是  
鶯鶯受苦的是清河君瑞頭西下控着馬東向馭坐  
車兒辭了法聰別了夫人把罇俎收拾起○臨上馬  
還把征鞍倚低語使紅娘更告一盞以為別禮鶯鶯  
君瑞彼此不勝愁厮覷者總無言未飲心先醉  
尾滿酌離杯長出口兒氣比及道得箇我兒將息一  
盞酒裏白泠泠的滴鼓半盞來淚

夫人道教郎上路日色晚矣鶯啼哭又賦詩一首  
贈卽詩曰○棄置今何道當時且自親還將舊來  
意憐取

眼前人

黃鐘宮出隊子最苦是離別彼此心頭難棄捨鶯鶯  
哭得似癡呆臉上啼痕都是血有千種恩情何處說  
○夫人道天晚教郎疾去怎奈紅娘心似鐵把鶯鶯  
扶上七香車君瑞攀鞍空自擷道得箇寬家寧耐些  
尾馬兒登程坐車兒歸舍馬兒往西行坐車兒往東  
拽兩口兒一步兒離得遠如一步也

仙呂調點絳脣纏令美滿生離據鞍冗冗離腸痛舊  
歡新寵變作高唐夢○回首孤城依約青山擁西風

送戍樓寒重初品梅花美

瑞蓮兒衰草淒淒一徑通丹楓索索滿林紅平生踪  
跡無定着如斷蓬聽塞鴻啞啞的飛過暮雲重

風吹荷葉憶得枕鴛衾鳳今宵管半壁兒沒用觸目  
淒涼千萬種見滴流流的紅葉淅零零的微雨率刺  
刺的西風

尾驢鞭半裊吟肩雙聳休問離愁輕重向箇馬兒上  
馳也馳不動

離蒲西行三十里日  
色晚矣野景堪画

仙呂調賞花時落日平林噪晚鴉風袖翩翩催瘦馬

一徑入天涯荒涼古岬衰草帶霜滑。瞥見箇孤林  
端入畫離落蕭疎帶淺沙。一個老大伯捕魚蝦橫槁  
流水茅舍映荻花。

尾駝腰的柳樹上有漁樵一竿風旆茅簷上掛澹烟  
消洒橫鎖着兩三家。

生投宿  
於村店

越調聽前柳纏令蕭索江天暮投宿在數間茅舍夜  
求愁無寐謾咨嗟牀兒上怎寧捨。倚定箇枕頭兒  
越越的哭哭得俏似痴呆畫櫓聲搖拽水聲嗚咽蟬  
聲助凄切。

蠻牌兒活得正美滿被功名使人離缺知他是我命  
薄你緣業比時他時再相逢也這的狀愁兀的般悶  
中做話兒說。料得我兒今夜裡那一和煩惱嗶嘍  
不恨咱夫妻今日別動是經年少是半載恰第一夜  
山麻皆淅零零地雨打芭蕉葉急煎煎的促織兒聲  
相接做得個重蟻兒天生的劣特故把愁人做脾慙  
更深後越切。恨我寸腸千結不埋怨除你心如鐵  
淚點兒淹破人雙頰淚點兒怕搵不迭是相思血  
尾兀的不煩惱煞人也燈兒一點甫能吹滅而兒歇  
閃出昏恹恹的半窓月

西風怯雨眠難熟  
殘月窺人酒半醒

南呂宮應天長無語悶  
各孩地慢雨淚盈腮  
清宵夜好難捱  
一天愁悶怎安排  
役損這情懷  
睡不着萬感  
勉強的把旅舍門開  
披衣獨步在月明中  
凝精看天色  
○澹雲遮籠素魄  
野水連天天竟白  
見衰楊折葦  
隱約映漁臺  
新愁與舊恨  
覩此景分外增  
嗟白柳陰裡  
忽聽得有人言  
低聲道快行麼  
娘骸  
尾張生覩了失聲道  
恠見野水橋東岸  
南側兩箇画不就的佳人映月來

鞋子襪窄行不動步難移  
語頭聲嬌喘不迭頻  
道困是人鬼俱難辨  
為福為殃兩不知  
生將取刺

擊之而已至矣因叱之曰爾乃誰人說  
秀才月影柝陰之下定睛細認云云

雙調慶宣和是人後疾忙快不說是鬼後應速滅入  
門外取劔取不迭兩箇來的近也近也。君瑞回頭  
再覩此半餉痴呆回嗔作喜唱一聲啞却是姐姐那  
姐姐

熟視之乃鶯紅也生驚問曰爾何至此鶯曰適夫  
人酒多寐熟妾與紅娘計之曰郎西行向日再面  
紅曰郎行不遠同往可乎妾然其言與紅私渡河  
而至此生携鶯手婦寢未及解衣聞羣犬吠門生  
破窓視之但見火把照空喊聲震地  
聞一人大呼曰渡河女子必在是矣

商調定風波好事多妨碍恰拈了冠兒鬆開裙帶汪  
汪的狗兒吠順風聽得喊聲一派不知為個甚說得



張生變了面色真箇大驚小恠。火把臨窗外一片地叫開門倒大驚駭張生隔窓覷見五千餘人全副執戴一個最大漢提着雁翎刀厲聲叫道與我這裡搜猜。

尾柴門兒脚到處早蹉開這君瑞有心掙揣向卧榻上撒然覺來。

無端恠鵲高枝噪一枕鴛鴦  
夢不成坐而待旦僕已治裝

仙呂調醉落魄纏令酒醒夢覺君瑞悶愁不小隔窓野鵲兒喳喳地叫把夢驚覺人來不當箇背兒巧。悶吞孩似喫着沒心草越越的哭到月兒落被頭兒

上淚點知多少媚媚的不乾抑也抑得着

風吹荷葉枕畔僕人低低道起來麼解元天曉也把  
行李琴書收拾了聽得幽幽角奏噹噹地鍾嚮忔忔  
地鷄叫

醉奚婆把馬兒控着不管人煩惱程程去也相見何  
時却

尾華山又高秦川又香過了無限野水橫橋騎着瘦  
馬兒圪登登的又上長安道

行色一鞭催瘦馬羈愁萬斛引新詩長安道上只  
知君瑞艱難普救寺中誰念鶯娘煩惱鶯自郎西  
邁惟悴不勝乘閑詰郎閱書之閣  
戲嫌視之非復曩日鶯轉煩惱

黃鍾宮侍香金童纏令才郎自別剗地愁無那裊裊  
爐烟縈綠瑣濃睡覺來心緒惡衣裳羞整霧鬟斜鞦韆  
○香消玉瘦天天都為他眼底閑愁沒處着是即是  
下稍相見咱大小身心時下打疊不過

雙聲疊韻吟硯乾黃卷堆冷落了讀書閣金篆鼎寶  
獸爐誰蕪龍涎火幾冊書有誰梁粝燧暗被塵污俏  
没人照覷子箇

刮地風薄倖的冤家好下得甚把人拋越眉兒淡了  
教誰画哭損秋波琵琶座暗懶拈金撲有新詩有新  
詞共誰酬和那堪對暮秋你道如何

整金冠令促織兒外面聞聲相聒小即小天生的口  
不曾合是世間虫蟻兒裡的活撮叨叨的絮得人怎  
過

賽兒令愁麼愁麼此愁着甚消磨把脚兒擗了耳朵  
兒搓沒亂煞也自摧挫賽鴻來也那賽鴻來也那

柳葉兒淅列列的曉風簾幕滴流流的落葉辭柯年  
年的光景如梭急煎煎的心緒如火

神杖兒這對眼兒這對眼兒淚珠兒滴了萬顆止約  
不定恰才淹了撲簌簌的又還偷落勝秋雨點兒多  
四門子豈兒鬼病天來大何時是可羅衣寬褪肌如

削悶荅孩地獨自個空恨他空怨他料他那裡與誰  
做活空恨他空怨他不道人圖箇甚麼

尾把寶鑑兒拈來強梳裹腮兒被淚痕兒浥破甚全  
不似舊時節風韵我

自季春與郎相別杳無一信早是離  
恨又值秋景白日猶開清宵更苦

中呂調風合合纏煩惱無何限悶荅孩地獨自淚漣  
連身心俏似顛相思悶轉添守着燈兒坐狼奴拾做  
些兒閑針線奈身心不苦快不苦快。一雙春筍玉  
纖纖貼兒裡拈線把綉針兒穿行待紅針閑却便絃  
針尖欲待裁領衫兒段把繫着的裙兒胡亂剪胡亂

剪

石榴花覷着紅娘認做張郎喚詵了多時自失笑不  
惟道鬼病相持更有邪神繳纏。苦苦天天此愁何  
日免。鎮日思量。數萬千遍。笑無緣得歡喜。存活只有  
人與煩惱做冤。譬如對燈問悶的坐把似和衣強  
強的眠。心頭暗發着願願薄倖的冤家。夢中見爭奈  
按不下九曲回腸。合不定一雙業眼。

尾是前世裡債宿世的冤。被你擔閣了人也張解元

明年張珙廷試  
第三人及第

古本董解元西廂記卷第六

古本董解元西廂記卷第七

正宮梁州令纏步入蟾宮折桂花舉手平拏長揚賦  
罷日西斜得意也掀髯笑喜容加○才優不讓買馬  
金榜名標高甲踪跡離塵沙青雲得路鳳沼步烟霞  
甘草子最堪嘉最堪嘉一聲霹靂果是魚龍化金殿  
拜皇恩面對丹墀下正是男兒得志秋向晚瓊林宴  
罷沉醉東風裡控驕馬鞭裊蘆花

脫布衫追想那冤家獨自在天涯怎知此間及第脩  
書索報與他○有多少女孩兒捲珠簾騁嬌奢從頭  
着眼看來都盡捨不如他○不敢住時霎即便待離

京華官人如今是我縣君兒索與他。偏帶兒是犀  
角幞頭兒是烏紗綠袍兒當殿賜得把白衫兒索脫  
與他

尾得箇除授先到家引着幾對兒頭吞見俺那鶯鶯  
大小大詐

琪賦詩一絕令  
僕赴鶯鶯報喜

雙調御街行須臾喚得僕人至囑付你些兒事蒲州  
東畔十餘里有勅賜普救之寺法堂西壁行廊背後  
第三箇門兒是。見妻兒太君都傳示但道我擢高  
第教他休更許別人俺也則不曾聘妻相煩你且叮



啼寄語專等風流婿

生絨詩與僕僕行鶯未知卽弟荏苒成疾時季春十五夜鶯思之去年待月西廂之夜也感而泣下紅娘曰姐姐今春多病觸時有感恐傷和氣妾未知姐姐所染何患當以藥理之恐至不起鶯鶯愈哭

道宮凭欄人纏令憶多才自別來約過一載何日看  
却得同諧縈損愁懷怕黃昏愁倚朱門到良宵獨立  
空堦趁落英遍蒼苔東風搖蕩一簾飛絮滿地香埃  
○欲問俺心頭悶答孩太平車兒難載都是俺今年  
浮災煩惱煞人也猜悶厭厭的心緒如麻瘦崑岩的  
病體如茶髮雲亂慵整瓊釵勞勞攘攘身心一片沒

處安排

賺據俺當初把你箇冤家命般看待誰知道到今贏得段相思債相思債。是前生負債他還着後熬你試尋思恁那不恁都是命乖爭柰心頭那和不快好難消解。近來這病的形骸鏡兒裡覷了後自恁耐傷心處故人與俺彼此天涯客天涯客。我於伊志誠沒倦怠你於我堅心莫更改且與他捱下稍知他看怎柰悶愁越大

美中美困把欄干倚羞折花枝戴這段閑煩惱是自家買勞勞攘攘不是自家心窄春色褪花梢春恨侵

眉黛遥望着秦川道雲山隔。白日潭間夜難熬獨  
自兀誰俛悶對西廂月添香拜去年此夜猶自月圓  
人在不似去年人猛把欄干拍有個長安信教誰帶  
大聖樂花憔悴蘭消玉瘦不似舊時標格閑愁似  
海况是暮春天色落紅萬點風兒細細雨兒微篩這  
些光景與人粧點愁懷悶抵着牙兒空守定粧臺眼  
也倦開淚漫漫地盈腮似恁淒涼何時是了心頭暗  
暗疑猜縱芳年未老應也頭白

尾紅娘恠我緣何害非關病酒不是傷春只為冤家  
不到來

鶯對春時感舊恨  
為憶生漸成消瘦

高平調青玉案  
寂寞空閨裡  
苦苦天天甚滋味  
浙浙  
微微風兒細薄薄怯怯半張鴛被  
冷冷清清地睡○  
憂憂戚戚添憔悴  
裊裊霏霏瑞烟碧滅滅  
明明燈將  
煤哀哀怨怨不敢放聲哭  
只管嚙嚙啜啜地

覆旦靈鷲  
喜晴鶯起

仙呂調滿江紅  
殘紅委地靈鷲翻風喜新晴玉慘花  
愁追思傳粉巾袖與枕頭兒都是淚痕  
一夜家無眠  
白日耽不存不濟香肌瘦  
揷教俺縈方寸想他那裡  
也不安穩恰正心頭悶見紅娘通報有人喚門

門人  
報曰

張先生僕至夫人僕使堦前忙應若骨子氣喘不迭  
與鶯交召湏臾入僕使堦前忙應若骨子氣喘不迭  
滿面征塵呼至簾前夫人親問道張郎在客可煞苦  
幸想見彼中把名姓等幾日試來那幾日唱名得意  
那不得意有何傳示有何書信那厮也不多言語觀  
着夫人賀喜喚鶯鶯做縣君

僕以書呈夫人紅娘取而奉鶯鶯書視之止詩  
一絕詩曰玉京仙府探花郎寄語蒲東窈窕娘指  
日拜恩衣畫錦是湏休作倚門粧鶯解詩旨曰探  
花郎第三也指日拜恩衣畫錦待除授而歸也夫  
人以下皆喜自是至秋杳無一耗鶯脩書密遣僕  
寄生隨書贈衣一襲瑶琴一張玉簪一枝班管一  
枚

越調水龍吟露寒烟冷庭梧墜又是探秋時序空閨

獨坐無人存問愁腸萬縷怕到黃昏後窻兒下甚狀  
情緒映湖山側左芭蕉幾葉空堦靜散疎疎雨。一  
自才郎別後儘自家凭攔凝竚碧雲點澹楚天空闊  
征鴻南渡飛過蕪葭浦暮蟬噪烟迷古樹望野橋西  
畔小旗沽酒是長安路

看花迴想世上淒涼事離情最苦恨不得插翅飛將  
往他行去地里一遠關山阻無計柰謾登樓空目斷  
故人何許。密召得僕人至將傳肺腑連幾狀衣服  
一一包將去是以小心休遲滯莫耽悞喚紅娘交拈  
與再三囑付

雪裡姦白羅素襠袴摺動的袷兒也無一領汗衫與  
裹肚非是取取是俺咱自做。綿襪兒莫嫌薄燈下  
曾用工夫一針鍼刺了羨覷恐慮破後有誰重補

揭鉢子藍直繫有功夫做得依規矩幽窓明淨處潛  
心下綉針著意分絲縷綉着合歡連理花雉子兒交  
頸舞。絨條兒細絳州出宜把腰圍束青衫忒離俗  
裁得暢可體襖兒是吳綾件件都受取更與你幾件  
物

疊字玉臺簪雖小是美玉玉取其潔白純素微累纖  
瑕不能污渾如俺為汝俺為汝心堅固你曾惜俺如

珍今日看如糞土。紫毫管未嘗有是九嶷山下蒼  
竹當日湘妃別姚虞眼兒裡淚珠淚珠兒如秋雨點  
點都画成斑比我別離來苦。瑤琴是你咱撫夜間  
曾挑聞奴你俏似相如獻了上林賦成名也在上都  
在上都裡貪歡趣鎮日家耽酒迷花便把文君不顧  
緒煞孩兒汭路裡耐辛苦若見薄情即傳示與但道  
自從別來官人萬福一件件對他分付教他受取看  
是阻那不阻臨了教讀這一封兒墮淚書

僕未至京君瑞擢第後以才授翰林學士因病閑居至秋未愈

仙呂調剔銀燈寂寞空齋清秋院字消洒閑庭幽戶



檻內芳菲黃花開遍將近登高時序無情緒憔悴得  
身軀有誰擡舉。早是離情恁苦病體兒不能痊愈  
淚眼盈盈眉頭鎮蹙九曲回腸千縷天遙地遠萬水  
千山故人何處

尾許多時節爲鴛侶除夢裡有時曾去新來和夢也  
不曾做

生喜來擢第愁來病未愈那逾秋  
夜為憶鶯鶯杳無一耗愁腸萬結

正宮梁州令斷送簾外蕭蕭下黃葉正愁人時節一  
聲羌管恁離別看時節窓兒外雨些些。晚風兒浙  
溜浙冽暮雲外征鴻高貼風緊斷行斜衡陽迢遞千

里去程賒

應天長。經霜黃菊半開。謝折花羞戴。寸腸千萬結。捲  
簾凝淚。眼碧天外。亂峰千疊。望中不見蒲州道。空目  
斷暮雲遮。○荒涼深院古臺榭。惱人窓外。琅玕風欲  
折。早是離人心緒。惡閣不定。淚啼清血。斷腸何處。砧  
聲急與愁人助。凄切。

賺點上燈兒。悶答孩地。守書舍。謾咨嗟。鴛衾太半成  
虛設。獨對如年夜。守着窓兒。悶悶地。坐把引睡的  
文書兒。強披閱。檢秦晉。傳檢不着。翻尋著。吳越把耳  
聒。掩。○收拾起。待剛睡些兒。柰這一雙眼兒。劣好發

業淚漫漫地會聖也難交睫空自擷。似恁地淒涼  
恁地愁絕下場知他看怎者行志了不覺聲絲氣噎  
幾時捱徹

甘草子我佯呆我佯呆一向志誠不道他心翅短命  
的死冤家甚不怕神天折一自別來整一年為箇甚  
音書斷絕著意殷勤待撰箇簡貼柰手顫難寫

脫布衫幾番待撇了不藉思量來當甚厮慙孩兒我  
須有見伊時咱對着惺惺人說

三臺愁歌單枕夜深無寐襲襲靜聞沉屑隔窓促織  
兒泣新晴小即小叫得暢嘩輒向空堦那畔叨叨地

俏沒休歇做個虫蟻兒沒些兒慈悲賤得人耳疼耳

熱

尾越越的哭得燈兒滅慚愧啞秋天甫能明夜一枕

清風半窓月

生渴仰間僕至授衣叢書其大畧曰薄命妾驚鶯  
致書于才郎文几去秋已來常忽忽如有所失於  
諳諱之中或勉為笑語閑霄自處無不淚零至於  
夢寐之間亦多叙感咽離憂之思綢繆繾綣若  
尋常幽會未終驚魂已斷雖半枕如暖而思之甚  
遙一昨拜辭倏逾舊歲長安行樂之地觸緒牽情  
何幸不忘幽微眷念無厭鄙薄之志無以奉酬至  
於終始之盟則固不在鄙昔中夕相因或同宴處  
婢僕見誘遂致私誠兒女之心不能自固兄有援  
琴之挑卻人無投梭之拒及薦枕藉義感恩深愚  
幼之情永謂終托豈其既見君子而不能以禮定  
情松栢留心致有自獻之羞不復明侍巾櫛歿身

救恨含歎何言儻若仁人用心俯遂幽劣雖死之日猶生之年如或達士略情捨小從大以先配為醜行謂要盟之可欺則當骨化形銷丹誠不泯因風委露猶記清塵存歿之誠言盡於此臨昏嗚咽情不能申千萬千萬珍重珍重玉簪一枚珉管一枚瑤琴一張假此數物示妾真誠此去玉不渝堅潤如淚痕在竹愁緒縈琴因物達誠永以為好心邇身遠拜會何時幽情所鍾千里神合秋氣方肅強飲為佳慎自保持無以卸為深念也生發書不勝悲慟

大石調玉翼蟬  
總讀罷仰面哭淚把青衫污料那人  
爭知我如今病未愈只道把他孤負好悽楚空悶亂  
長嘆吁此恨憑誰訴似恁地理怨教人怎下得索剛  
拖帶與他前去。讀了又讀一箇好聰明婦女其間  
言語都成章句寄來的物件斑管瑤琴簪是玉窠包

兒裡一套衣服怎不教人痛苦眉蹙眉攢斷腸腸斷

這鶯鶯一紙書

生文人楊巨源聞之作詩以贈之其詩曰清潤潘  
郎玉不如中庭霜冷葉飛初風流才子多春思腸  
斷蕭娘一紙書巨源勉君瑞娶鶯君瑞治裝未及  
行鄭相子恒至蒲州詣普救寺往見夫人夫人問  
曰子何務而至於此恒曰相公令恒慶夫人終制  
成故相所許親事矣夫人曰鶯已許張珙恒曰莫  
非新進張學士否夫人曰珙新進未知除授  
恒曰珙以才授翰林學士衛吏部以女妻之

南呂宮一枝花纏這畜生腸肚惡全不合神道着言

厮間諜忒奸狡道張珙新來受了別人家捉本萌着  
一片心待解破這同心子脚裡他家做俏。鄭氏聞  
言道怎地着擷揜紅娘脚鶯鶯向窓那畔也知道九

曲柔腸似萬口尖刀攬那紅娘方便地勸道遠道的消息姐姐且休縈懷抱

傀儡兒妄想那張郎的做作於姐姐的恩情不少當初不容易得來便怎肯等閑撇掉鄭恒的言語無憑準一向把夫人說調○為姐姐受了張郎的定約那畜生心頭熱燥對甫成這一段兒虛脾望姐姐肯從前約等寄書的若回路後知端的目下且休秋後便了

轉青山鶯鶯儘勸全不領略迷留悶亂沒處着上稍裡只喚做百年偕老誰指望是他沒下稍負心的天

地表天地表。待道是實從前於俺無弱待道是虛甚音信杳為他受苦了多多少少爭知他恁地情薄只是自家錯了自家錯了

尾孤寒時節教俺且充個張嫂甚富貴後教別人受

郡號剛待不煩惱呵呀的一聲仆地氣運倒

諛言可畏十冬不信後須疑人氣好毒一息不來時便死左右侍兒皆救多時方甦夫人泣曰皆汝之不幸也密囑紅娘曰姐姐萬一不快必不救汝恒潛見夫人曰琪與恒孰親况琪有新配恒約在先當以故相姑夫為念夫人不獲已陰許恒擇日成禮議論間

雙調文如錦好心斜見鄭恒終是他親熱囑付紅娘你管取恁姐姐是他命裡十冬抽休教覓生覓死自



推自擷有些兒好弱你根的不捨鄭恒又諧言道恁  
姐姐休呆我比張郎是不好鬥地不好家業。不是  
自家自賣弄我一狀女壻也要人迭外貌即不中骨  
氣較別身夕即村衣服兒忒捻頭風即是有頭巾兒  
蔚帖文章全不會後玉篇都記徹張郎是及第我  
內祇子是爭得些些他別求了嬾你只管裡守志  
當甚貞烈

尾言未訖簾前忽聽得人應諾已道鄭衙內且休胡  
說兀的門外張郎來也

鄭恒手足無所措琪已至簾下拜畢夫人夫人曰  
喜學士別繼良姻琪驚曰誰言之曰都下人來稔

聞是說今驚已從前約鄭恒以此言使張君瑞添一段風流煩惱增十斛愁賦憂愁夫人且將實言諷君瑞面頰如土夫人道甚來

仙呂調香山會那君瑞聞道撲然倒地口鼻內似有游氣曲匝了半餉收身強起傷自家來得較遲。誰曾受捉那說來的畜生在那裡喚取來夫人面前詰對旁邊鄭衙內怎生坐地忍不定連打啼

夫人曰學士息怒其事已然如之奈何生思之鄭公賢相也稍蒙見知吾與其子爭一婦人似涉非禮夫人令恒拜琪曰此驚兒也琪視之覩衙內結束模樣越添煩惱

中呂調牧羊關張生早是心羞慙那堪見女婿來叅不稔色村沙假鶻鴒乾淡向日頭權兒狀眼與虱子

猴孫猴般臉，皂條襖，曾繫羅巾腦後擔，鬢邊蟻虱，渾如糝，你尋思大仆大，唾嚙口，啜似猫坑咽，喉似潑，穢詐又不當個詐，謠又不當個謠，早是轆軸來粗細，腰穿領布袋來寬布衫。

尾莫難道詩骨瘦，嵒岩掂，詳了這厮，趨踏身不便活，脫下鍾馗一二三。

生謂夫人曰：鶯既適人，兄妹之禮不可廢也。夫人召鶯父之方出。

仙呂調點絳唇，纏令百媚鶯鶯見人無話，空低首淚盈巾袖，兩葉眉兒皺。擬損金蓮，搓損蔥枝，手從別後，臉兒清秀，比是年時瘦。

天下樂拜了人前強問候做為兒嬌更柔料來他家  
不自由眉尖有無限愁無狀的匹夫怎消受與做眷  
屬俺來得只爭個先共後是自家錯也已裝不卸發  
水難收

尾鶯鶯俏似章臺柳縱使柔條依舊而今折在他人  
手

鶯鶯坐夫人之側生問曰別  
來無恙否鶯鶯不言而心會

越調上平西纏令自年前長安去斷行雲常記得  
飲離樽一聲長喟兩行血痕落絲絲耳畔叮嚀囑付  
情人腸斷消魂。馬兒上駉駉地眠樵館宿漁村最

怕的愁到黃昏孤燈一點被兒冷落又難溫眼前不見意中人枕滿啼痕

聞鴉鵲把箇御溜麗兒為他瘦損減盡從來稔膩風韻自到長安身心用盡自及第受皇恩奈何病體淹延在身。前者纔初得封書信告假驅馳遠來就親比及相逢幾多愁悶雨兒又急風兒又緊為他不避甘心受恁

青山口甫能到此甚歡忻見夫人先話論道俺娶妻在侯門把鶯鶯改婚姻教人情慘切對景轉傷神喚將到女眷各序寒溫觀了他家舉止行為真個百種

村行一似換老坐一似糊獠甚娘身不馳腰與龜胸  
包牙缺上邊唇這般物類教我怎不陰晒是閻王的  
愛民

雪裏梅花更口臭把人薰想鶯鶯好緣不暗思向日  
共他鴛衾做學秦晉。誰想有今辰共別的待展紋  
褶暗暗覷地玉容如花不施朱粉。然憔悴尚天真  
纖腰細褪羅裙下得得將人不做不問佯把眉黛  
擗金釵鞞墜烏雲恨他恨他索甚言破是他湏自隱  
尾淚珠兒滴了又重搵滿腹相思難訴陳奩喜的寬  
家怎生安穩合着眼不辨個深情豈思舊恩我然是

箇官人却待教兀誰做縣君

若瑞與鷺各目視  
而內心皆痛矣

中呂調古輪臺好心酸寸腸千縷若刀剗被那無徒  
漢把夫妻拆散合下尋思料他不違言說盡虛脾使  
盡局段把人羸勾厮欺謾天須開眼覷了俺學士哥  
哥少年登第才貌過人文章超世於人更美滿却教  
我與這匹夫做繾綣○所為身久舉止得人嫌事事  
不通疎沒些靈變曠脚馳腰秃鬚黃牙烏眼不怕今  
宵只愁明夜綉幃深處效鴛鴦爭似孤眠最難甘眼  
底相逢有情夫誓不得團圓好迷留沒亂教人怎捨

拼孜孜地覷着渾恰似天遠

尾如今方驗做人難儘他家問當不能應當正是新  
官對舊官

古本董解元西廂記卷第七



古本董解元西廂記卷第八

張君瑞坐止不安遽然而起法聰邀琪於客舍方  
便着言勸誘曰學士何娶不可無以一婦人為念  
琪曰師言然善奈處凡浮遭此屈等不能無恨聰  
與琪低足琪被衣取鸞鴛書及所賜之物愈添泪  
洒

黃鍾宮間花啄未兒第一黃昏後守僧舍那堪暮秋  
時節窗外琅玕弄翠影見西風飄敗葉煎煎地耳畔  
蛩吟切啾啾唧唧聲相接俺道了不恁恹惶心腸除  
是鐵

整乾坤牽情惹恨幾時捱徹聽成樓角奏梅花聲鳴  
咽画壁間一盞惱人燈碧瑩瑩半明不滅

第二思量俺好命劣怎着恁惡緣惡業幸自夫妻恁  
美滿被旁人厮間諜兩口兒合是成間別天教受此  
恓惶苦想舊日雨迹雲踪枉教做話說

雙聲疊韻玉漏遲鴛被冷愁對如年夜寶獸烟紫斷  
縷裊裊噴龍麝暫合眼強睡些便會聖怎寧貼床兒  
上自推自擲

第三鎮思向日空教人氣快微撒小庭那畔撚吟鬚  
步廊月朱扉半揜薦觀伊向西廂下漸漸至空堦側  
畔倚湖山春困歇

刮地風手把白團輕扇撚有出塵容冶腰肢袅娜纖

如束舉止殊絕柳眉星眼杏腮飛頰口兒小脚兒弓  
於得蔚帖一時間暫相見不能舍

第四兩情暗許着新詩意中寫正相眷戀見紅娘把  
綉簾揭低聲報道夫人使妾來喚步促金蓮歸去飄  
飄香暗惹

柳葉兒教人半餉如呆回來却入書舍後來更不相  
逢十久捨了休也

第五不幸蒲州軍亂把良民盡虜劫一部直臨此寺  
週達盡擲列高聲喝叫得鶯鶯便把殘生捨若是些  
小遲然都教化營血

賽兒令騁些英烈被俺咱都盡除滅滿門家眷得寧  
貼那老婆把恩輕絕是俺弄巧翻成拙

第六後來暗約向羅幃鎮歡悅夜來曉去約未近數  
月不因敗漏纔時許我為姻眷奈何名利拘人夫妻  
容易別

神伏兒得臨帝闕帝闕蟾宮桂枝獨折名標金甲俺  
咱恁時准備了娶他來也不幸病纏惹

第七想太君情性劣往日誇伯共撇陡恁地不調貼  
把恩不顧信無徒漢子他方說便把美滿夫妻恩情  
都斷絕

四門子這些兒事體難久別如今也待怎者驚驚情  
性那裡每也俏無了真共烈你好毒你好呆恰總那  
裡相見些你好羞你好呆虧殺人也姐姐

第八從來呵慣受磨滅他家今日已心邪儘人問當  
不應對虧人不怕神天折惱得人頭百裂便假饒天  
下雪解不得我這腹熱一封小簡不明都是伊家寫  
只被你迤逗人來一星星都碎捲百裂便假饒天下  
雪解不得我這腹熱一封小簡不明都是伊家寫只  
被你迤逗人來一星星都碎捲百裂便假饒天下雪  
解不得我這腹熱一封小簡不明都是伊家寫只被

你迤逗人來星星都碎擗百裂

尾斑骨雖圓被風裂玉簪更堅也拈折似琴上斷弦

難再接

聰見珙不快起而勉之曰足下聰明者也以有嬾人惑至於此吾與子不復有矣珙曰男女佳配不易得也加以情思積有日矣一旦被讒反為路人所以痛予心也聰曰足下倘得鶯痛可已乎珙曰何計得之聰曰吾為子謀之

中呂調碧牡丹不須長嘆息便不失了咱丈夫的網  
紀惹人耻笑怎共貧僧做相識可惜了你才學枉了  
你擢高第莫憂煎休埋怨放心地。猛然離坐起壁  
中間取下戒刀三尺兀的二更方盡不到三更已外

比及這蠟燭燒殘教你知消息我去後必定有官防  
君莫怕我待做頭抵

尾把忘恩的老婆梟了首級把反間的畜生教屍粉  
碎把百媚的鶯鶯欠付與你

法聰言未已隔窓間人笑曰爾等  
行兇豈不累我言者是誰是誰

大石調玉翼蟬把窓間紙微潤開君瑞偷睛覷半夜  
三更不知是甚人特來到於此處移時節方認得是  
兩個如花女一個是鶯鶯駸駸步月來紅娘向後面  
相逐。開門相見不問個東西便抱住可憎問當別  
來安否也無閑話只辦得燈前戛戛地哭猶疑夢寐

之間頻搯肌膚淚點兒盈盈如雨止約不住料想當日別離不恁的苦

尾比及夫妻每重相遇各自準備下萬言千語及至相逢却沒一句

多時鶯語即曰學士淹留京國至有今日奈何奈何

中呂調安公子賺女孩兒低聲道道別來安樂麼張學士憶自伊家赴上都日許多時夜夜魂勞夢役愁何似侶一川烟草黃委雨悶似長江攬得個相思擔兒○遠別春三月恁時方有音書至火急開緘仔細讀元來是一首新詩披味那其間意思知你獲青紫



滿宅家眷喜不喜以縣君呼之不枉了俺從前真志  
賺誰知後來更何曾夢見個人傳示時暮秋令人特  
地傳錦字連衣袂。玉簪斑管與絲桐一星星比喻  
着心間事臨去也囑付了千回萬次早離京師。誰  
知鄭家那廝新來先自長安至誰曾問着從頭說一  
段希奇事道京師裡。衛尚書家女孩兒新來招得  
個風流壻道是及第官鴈序排連第三年紀二十六

七

渠神令道是洛京人氏先來曾蒲州居住見今編脩  
國史莫比洛陽才子夫人一向信浮詞不問是那不

是。許了姑舅做親擇下吉日良時誰知今日見伊  
尚兀子鰥居獨自又沒個嬾兒妻子心上有如刀刺  
假如活得又何為枉惹萬人嗤鶯解裙帶  
擲于梁

尾譬如往日害相思爭如今夜懸梁自盡也勝他時  
憔悴死

洪曰生不同  
階死當一處

黃鐘宮黃鶯兒懞懞懞似此活得也惹人恥笑把  
皂條兒搭在梁間雙雙自吊。說得紅娘忙扯着道  
休厮合造您兩個死後不爭怎結末這禿吊

紅娘抱鶯聽止君瑞曰先生之惑愈甚矣幸得續  
法死而何益洪曰鶯以適人不死何待聽曰吾有

一策使驚不適人與子百年願老珙曰策將  
安出聰曰吾不能矣子謁一故人事可濟矣

般涉調哨遍纏令君瑞懸梁驚驚覓死法聰連忙救  
您死後教人打官防我尋思着甚來由好出醜夫妻  
大小大不會尋思笑破貧僧口人死後渾如悠悠地  
逝水獸獸地不斷東流榮華富貴盡都休精爽冥冥  
葬荒丘一失人身萬劫不復再難能勾。欲不爰離  
把似投托個知心友不索打官防教您夫妻盡百年  
歡偶快準備車乘鞍馬主僕行李一發離門走投托  
的親知不須遠覓而今只在蒲州昔年也是一儒流  
壯歲登科不到數餘秋方今是一路諸侯

長壽仙袞初典郡城更牢獄無囚後臨邊郡滅盡草  
賊猾寇坐籌帷馮馬臨軍挑開十場鎮羸八九天  
下有底英雄漢聞名難措手這個官人不枉食君祿  
扶社稷安天下兼文銳武古今未嘗曾有

急曲子也不愛耽花恋酒也不愛打桃射柳也不愛  
放馬走狗也不愛射生射獸去年暫斬逆臣頭腰間  
劍是帝王親授

尾是百萬軍都領袖天來大名姓傳宇宙便是斬斫  
自由的杜太守

生曰杜太守謂  
誰聽復言之

高平調于飛樂告吾師杜太守端的是何人與自家  
是舊友川親法聰聞得道君瑞休勞問果貴人多忘  
早不記得賊黨臨門。這官人與足下非戚非親您  
兩個舊友忘形與夫人連大衆都有深恩太守謂誰  
是去年白馬將軍

生曰杜將軍驟拜太守也以何故聰由以威攝賊  
軍亂清蒲右叅天子重知數月前特授鎮西將軍  
蒲州太守燕開右兵馬處置使珙喜謝曰非吾師  
指迷實不悟此生携鶯宵奔蒲州時二更左右

大石調洞仙歌收拾行李一步地都行上兩口兒眉  
頭暫開放望秋天即漸月淡星稀東方朗隱隱城頭  
鼓响。抵闕入城直至衙門旁不及慙慙展參榜門

人通報太守出廳相見未及把行藏問當太守道君  
瑞喜登科君瑞道哥哥哥哥自別無恙

太守邀生入偏厅生日門外出妻杰拜兄嫂子個  
太守令夫人請鶯客禮畢夫人請鶯至後閣與  
太守酌酒道舊可謂青  
山牽夢寐白髮喜交親

越調上平西纏令杜將軍張君瑞話別離至坐上各  
序尊卑別來經歲故人青山喜重期兩情談論正投  
機一笑開眉○情相慕心相得重相見舊相知便暢  
飲彼此無疑風流太守為生滿湍勸金杯喜君仙府  
探花婦高步雲梯

聞鶴鶉君瑞聞言欠身避席飲罷躬身向前施禮道

多謝哥哥此般厚意據自家寡才藝盡都是父母陰  
功所得。幸得今朝弟兄面會敢煩將軍萬千休罪  
小子特來有些事體記去年離上國訪諸先覺遊學  
到這裡

看花迴普救院權居止詩書暗理却不幸蒲州元帥  
渾公逝亂軍起無人統殘郡邑害良民蒲州裏滿城  
鐵騎。神鬼哭生靈死哀聲振地至普救諸多僧行  
難隄備閑閑得山門着怎當衆軍卒群刀手砍是鐵  
門也粉碎

青山口衆僧欲走又不及須識前朝崔相國那家女

孩兒叫鶯鶯當時未及笄歲羣賊門外逼道得鶯後  
便西歸相國老夫人聽得悲泣不奈之何故謁微生  
願求脫命計特伏法聰曾把書寄太守既到那裡飛  
虎說來羣賊倒槍旗退却亂軍免却生離都是哥  
哥虎威

激海令那夫人感恩義許鶯鶯與俺為妻幸天子開  
賢路因而赴帝里也已高攀月中桂不幸染沉疾風  
散難醫治淹延近一歲○誰知個鄭衙內與鶯鶯舊  
閔親戚恐嚇使為妻室不念鶯鶯是妹妹○夫人不  
敢大喘氣連忙揀下吉日只爭一脚地大不與那畜



生効了連理

尾是他的親姑舅要做夫妻倚仗是宰臣家有勢力  
不辯個清濁沒道理托付你個慷慨的相識別辨爾  
是非與俺做些兒主意看那骨服的哥哥近俺甚底

太守曰吾弟放心不爭則已爭則吾必斬恒少待公退關詰

大石調還京樂鵞觀像門開處西廊下悄不聞鴉  
驚地鼓响正廳上太守升衙階前軍吏誰敢鬧嘈雜  
大案前行本把五日三朝家沒紙兒文字官清法正  
無差大牢裡虞候羊兒狀善是有大人彈壓有子有  
牢房地匣有子有欄軍夾画有子有鐵裹榆枷更年

沒罪人戴他犯他獄門前草長有誰曾鑿。有刑罰徒流絞斬弔拷絳把設而不用束杖理民寬雅地方千里威教有法治也不愛侵官弄法善為政威而不猛寬而有勇一方人喚做菩薩但曾坐處絕了羣盜縱有敢活拏正不怕明廉暗察信不讓春秋裡季札治不讓潁川黃霸蒲州裡大小六十萬家人人欽仰俏如爹媽

尾虎符金牌腰間掛英雄鎮着普天之下說得逆子賊臣望風的怕

不將守郡昔年楊震不清白由簡在廷曩日比于非骨鯁太守公坐之次鄭恒鞭馬叩門遽然而下

中呂調古輪臺鄭衙內當時休道不心嗔祇候的每  
怎遮攔大走入衙門直上聽來俏不顧白馬將軍氣  
莽聲高叫呼對人騁盡百舛村都說元因道化了的  
相國姑夫在時曾許聘與鶯鶯不幸身死因此上未  
就親如今服闋也却序舊婚姻許多財禮一刻是好  
金銀十萬貫餘錢首飾皆新百件衣服更兼霞帔長  
裙準備了筵席造下食飯盃盤水陸地鋪裯今日是  
良辰去昨宵半夜已來四更前後不覺鶯鶯隨人私  
走教人怎不恁我尋思那張珙哥哥好没人情

尾鶯鶯那裡怎安穩覷着自家般文人下得隨人逃

走短命的那孩兒沒眼斤

太守怒曰子欺我乎公  
斤對官無禮私下怎活

雙調文如錦那將軍見鄭恒久辯後冲冲地怒道打  
春匹夫怎敢謊吾當日箇孫飛虎因亡了元帥奪人  
妻女驚驚在普救參差被虜若非君瑞以書求救怎  
地支吾怕賢不信試問普救裏僧行我手下兵卒。  
因此上夫人把親許不望你中間說他方言語今日  
他來先曾告訴君瑞待把鶯鶯娶你甚倚強壓弱厮  
欺厮負把官司誑說全無畏惧你可三思婚姻良賤  
明存着法律莫粗疎姑舅做親便不敢壞風俗

尾平白地昏顛他人婦，若不看您朝廷裡的慈父，打一頓教牒將你家去。

蘇恒對衆官，但稱死罪，非君瑞之愆。又曰：我之過矣，倘見親知，有何面目。

大石調伊州棗，添煩惱，情懷似刀攪，都是自家錯。花枝般媳婦，又被別人將了，我還帶去，若見鄉里親，知甚臉道，待別娶個人家，覷了我行為，冒嫁的少。怎禁當衙門外打牙打令，譚匹似閑啞，哨等着衙內待替君瑞，着言攢槩，鄭恒打恹道：把如喫恁摧殘，厮合燥，不出衙門，覓個身亡却是了。

尾覷着一丈來高石堦，級褰衣跳衙內，每又沒半個。

人扯着頭扎番身吃一個大碑落

浣沙節婦昔年抱石身亡好色窮人今日接  
堦而死太守令衙內拽尸於門外退所張宴

南呂宮瑤臺月從今至古自是佳人合配才子鶯鶯  
已是縣君君瑞是玉堂學士一個文章天下無雙一  
個捻色裏中無二似合歡帶連理枝題彩扇寫新詩  
從此起了文君深願酬了相如素志將軍滿滿勸金  
卮道今日極醉休辭歡喜教這兩個也乾撞殺鄭恒  
那村廝牙關緊氣堵了咽喉腦袋裂血污了堦址後  
門外橫着死尸牌寫着數行字出示這廝一生愛女  
今番入死

尾會見乾堆每強相思從前已往有浮浪兒誰似這  
厮般少年花下死

君瑞鶯鶯美滿團圓還都上任鄭恒衙內自耻壞  
羞哉惜而死方表才子施恩足見佳人報德怎見  
得有此事來蓬萊劉炳題詩曰蒲東佳遇古無多  
變板將令鏡不磨若使微之見新女不教專美伯  
歌勞

古本董解元西廂記卷第八 終

庚辰歲春仲余隨

使者到金陵寓居秦淮之上此書多訛筆舛字  
輒正魯魚以藏篋笥其詞才情富艷誠非後人  
可及也今士大夫皆莫知樂府為何物陋哉陋  
哉宜乎無好之者其傳世難矣閏八月九日南  
峯逸史楊循吉題